

當陽縣補續志

卷貳

卷二

祀典志

祠宇志

職官志

選舉志

人物志

當陽縣補續志卷二

祀典志

文廟

同治十三年縣令楊應桓重修啟聖祠大成門禮門  
義路牌坊暨明倫堂光緒十四年縣令李元才募資  
重建大成殿大成門泮池左右兩坊東西兩廡啟聖  
祠明倫堂左右義路禮門及周圍垣牆

東廡先儒

張履祥 位孫竒逢之次

許慎 位后倉之次

當陽縣補續志

卷二 祀典 文廟

一

張伯行 位陸隴其之次

陸世儀

西廡先儒

袁燮 位呂祖謙之次

劉德 位董仲舒之次

輔庚 位黃幹之次

文廟表

朝代

國朝

同治七年  
十一年

光緒元年

封諡 予題額賜

祀典

立學

御勅書懸斯文在茲

以袁燮從祀  
以張履祥從祀

名宦祠

二年  
三年  
五年  
六年

文額  
廟於  
天下

以 慎  
輔 從  
庚 張  
從 伯  
祀 行  
祀 從  
祀 從  
祀 從

國朝

董文煜

朝邑舉人光緒十二年入祀

胡文定公祠同治六年縣令鍾傳益重修並敦勸士

當陽縣補續志

卷二

祀典

名宦祠定公祠

二

民捐錢二百串生息添設民祭每年秋後官紳奉祀  
一次以其息作歲修齋夫祭費之資又於基左清水  
塘豎立基道碑

武廟

關聖陵廟同治五年宜昌安總鎮稟請籌款重修  
中丞郭栢蔭飭委張倅東甲劉令宗元劉主簿繼  
燠重修 陵墓亭銅殿殿前左右廊兩亭大殿拜  
殿殿前左右畫廊馬殿左右鐘鼓樓三元門左右  
角門佛堂伯子祠八角碑亭啟聖祠春秋閣碑亭  
客堂齋宿所周圍垣牆七年八月興工八年四月  
告竣伯相李鴻章藩司何璟均有重修碑記同治  
十年縣令鍾傳益敦勸該總紳民程春榮等捐置

田畝酌議供應每年春秋二仲月與祭各官隨從  
兵役等飯食章程稟奉 上憲核定泐石於廟十  
一年縣令戴開基修葺銅殿光緒元年縣令周鴻  
英補修春秋閣紅牆數處七年縣令李元才集歲  
修資修銅殿春秋閣碑亭栢子祠紅牆數處十年  
重修春秋閣拜殿官廳前後走廊十三年修葺銅  
殿八角亭碑亭春秋閣栢子祠週圍紅牆

封號題額對賜予

嘉慶 年奉

勅懸

御書靈威攸宅額

封樹依然明禋崇奕禩

威靈儼若浩氣壯乾坤對道光 年奉

勅懸

御書聲靈如在額咸豐 年奉

勅懸

御書萬世人極額六年奉

勅加封精誠七年奉

當陽縣補續志

卷二

祀典

武廟

文昌宮

四

勅加封綏靖同治九年奉

勅加封翊贊

勅懸

御書威震華夏額光緒六年奉

勅加封宣德

文昌宮

文昌廟宇同治十年縣令鍾傳益諭捐重修殿後新建青雲閣啟聖祠祠前左右廂房周圍垣墻

祠宇志

古祠

赤帝宮在縣城南門內文昌宮右同治十年縣令鍾傳益募資鼎建正殿三間拜殿三間僧房數間光緒七年縣令李元才諭捐續建山門及大觀樓一座殿後舖面一所北臨正街

文星樓在涓溪下街光緒丙子年縣令周鴻英諭涓溪紳商捐資鼎建

呂祖閣在治東北三十里瓦窰總同治十二年縣令

當陽縣補續志

卷二

祠宇

古祠寺觀

五

謝家蘭諭紳耆鼎建餘資置田閣內豎有碑記

寺觀

天符廟在城外東南隅同治五年縣令阮恩光倡捐重建

職官志

令佐表

令

同治五年

曾紀瓚

湖南人監生代  
理

巡檢

典史

鍾傳益

福建武平人  
道光甲午副榜咸

豐元年孝廉方  
正補授

陳元章

直隸宛平人代  
理

戴開基

貴州平越人辛  
酉拔貢署任

謝家蘭

貴州正安人丁  
酉拔貢署任

陳鈞

陝西三元人

陳凌衢

江西德安人附  
貢生

九年

十一年

十二年

當陽縣補續志

卷二

職官

令佐

六

傅鍾漢

湖南湘鄉人戊  
午舉人補授

劉漢釗

四川人現任

楊應桓

江蘇金匱人己  
酉舉人署任

周鴻英

四川巴縣人選  
授

陳樹楠

陝西鄠縣人辛  
酉進士署任

李元才

安徽六安州人  
同治癸酉拔貢

補授現任

陳正柏

湖南永定人

李煥章

陝西渭南人  
現任

光緒元年

十三年

四年

五年

六年

八年

循良傳

董文煜字質生陝西朝邑舉人舊志有傳光緒十一年十二月內撫部院彭題奏已故原任當陽知縣董文煜治績事實一摺於十二年二月內奉

旨依議欽此相應抄錄原奏知照湖北撫部院裕札飭當陽縣遵照奉行入祀名宦祠

王朝枏字讓生四川璧山人道光十四年以翰林院庶吉士宰當邑明敏剛直以廉能稱時私鑄盛行公嚴爲改革宿弊立除至培學校葺書院置膏火建修

當陽縣補續志

卷二

循良傳

七

文昌宮尤爲士林所瞻仰十九年奉調麻城士民咸攀轅焉

任道鎔字筱沅江蘇宜興人已酉選拔咸豐九年莅任當邑舉止閑雅器宇宏深判訟明允寓忠厚於刑賞不縱不擾民咸愛戴之同治元年奉調順德府士民感泣者衆後任至山東巡撫



	十三年	十一年	九年	八年	當陽縣補續志	三年	光緒元年	十三年	十二年	九年	同治六年			
	蕭風儀 選來授鳳現人任 恩貢	賀萬春 生天署門事人 貢	王汝霖 舉咸人署事 癸酉	亢兆彬 解棗元陽署人 事丁卯		卷二 職官 儒學表	李應春 貢通選山授人 癸酉拔		劉貞幹 授崇陽人 歲貢選	陳懋森 事蘄州人 廩生署		沈長禧 選松滋人 廩貢生	魯學鎔 人江署事 庚午舉	教諭
		洪安瀾 人蘄州授人 現壬戌舉		熊文駿 生松滋署人 廩	八			周芬 署通事城人 恩貢	胡毓英 取武昌習人 署附生考		易祥光 生公署事 廩		訓導	

武職表

守備

同治

光緒

千總

把總

李成棟  
伍遠  
選安  
授人行

趙廷凱  
伍宜  
補昌  
授人行

魏盛明  
伍遠  
署安  
事人行

曾光耀  
伍遠  
補安  
授人行

王超然  
伍遠  
補安  
授人行

劉如義  
伍郎  
補陽  
授人行

當陽縣補續志

卷二

職官

武職表

九

選舉志

舉人

乾隆

癸卯

向志申

同治

丁卯

劉有蔚

光緒

乙亥

陶賡唐

孝廉方正

杜熙春

孝廉方正

戊子

徐中銓

乙酉順天鄉試貢中

貢生

嘉慶

郭世曾

文望

當陽縣補續志

卷二

選舉志

舉人貢生

十

道光

郭紹道

同治

賀繩

曹汲三

嚴有煦

熊叶兆

恩貢

羅忠信

羅毓衡

癸酉拔貢

光緒

曹沐三

恩貢

李葆貞

文滂堂

曾東明

恩貢

徐朝楷

江榮枏

恩貢

王金銳

張瑞紳

張銘西

徐中銓

乙酉拔貢

鄭宗星

文選

明

建文

李讓

甲申進士任大理寺評事廣東右參議

向志安

壬午舉人江西建昌府教授

洪武

劉煥

貢生山西按察副使

張濬

貢生刑部員外郎

何毅

貢生漳州府知府

當陽縣補續志

卷二

選舉

文選

十一

劉謙

貢生戶部員外郎

永樂

向志

戊子舉人四川井鹽訓導

朱玉

甲午舉人應天府尹

蔣賢

貢生恭城知縣

成化

胡灝

貢生清江知縣

胡格

貢生黃州訓導

正德

張欽 貢生知縣

鄭儼 貢生彭山訓導

嘉靖

姚會 己酉舉人南溪知縣

張楠 乙卯舉人直隸宿松知縣

聶武 丁卯舉人陝西富平知縣

許翔 貢生考授知縣

車星 貢生鹽井衛教授

萬曆

當陽縣補續志

卷二 選舉 文選

李應麟 乙酉舉人四川井鹽知縣

周際明 戊子舉人廉州推官

龔仕 貢生巴東訓導

陳旨 貢生安陸教諭

史希楚 拔貢知縣

吳九思 貢生黃岡訓導

謝滋 貢生沈邱教諭

李霖 貢生雩都教諭

周宏模 貢生順慶府教授

劉家相 貢生 饒州教授

李深 貢生 崇陽教諭

黃大中 貢生 墊江教諭

梁國相 貢生 彭澤教諭 入祀鄉賢祠

梅遇春 貢生 蒲圻教諭

王僖 恩貢 遷安縣令

王任 貢生 竟陵訓導

天啟

金大赤 貢生 甯州訓導 入祀忠義孝友祠

當陽縣補續志

卷二

選舉

文選

十三

崇禎

汪士傑 庚午舉人 山西靜樂知縣

李大年 癸酉舉人 永州教授

郭之都 丙子孝廉 新甯教諭

歐陽煥 貢生 考校知縣

陶大賢 貢生 湘潭訓導

殷萃 貢生 安陸教諭

金門彥 貢生 襄陽教諭

國朝

順治

陳其美

壬辰進士司理浙江處州

楊州彥

己亥進士直隸任邱知縣

廖養義

貢生枝江訓導

詹南

貢生新田教諭

梁山金

貢生寧國知縣入祀鄉賢

范文叔

貢生永州訓導

康熙

游逢盛

戊午舉人授內閣中書

當陽縣補續志

卷二

選舉 文選

十四

陳士敷

丁丑進士福建歸化知縣

謝永聰

甲午舉人澧州學正

范文英

貢生通山訓導

陳廷璧

貢生辰溪訓導

李作朋

副貢羅田教諭

梁晷

貢生通山教諭

李明賡

拔貢雲夢教諭

汪墀

貢生辰溪訓導

葛祺賢

拔貢雲夢教諭

黃中行 貢生 遠安訓導

周卜年 貢生 黃安訓導

李通理 貢生 石首訓導

牛天宿 貢生 公安訓導

雍正

朱 櫛 癸卯舉人 東湖教諭

文汝蓀 癸卯舉人 涇州知縣

郭孫俊 庚戌進士 授刑部 山東 昌福 知建清

宋楚望 癸丑進士 江南 常州 知府

當陽縣補續志

卷二

選舉

文選

十五

金秉祚 拔貢 江南 穎州 知府

乾隆

林可法 辛酉舉人 仁化 知縣

金維岱 壬申進士 翰林院 檢討

嚴 岱 貢生 鄭西 訓導

龔應奎 貢生 德安 訓導

鄭宗仁 貢生 監利 訓導

趙 瑄 貢生 南漳 訓導

張定謨 貢生 雲夢 訓導



向志甲

癸卯舉人 同山西興縣知

李傑臣

貢生 利川訓導

嘉慶

徐文翰

山西知縣 歷署十三縣

徐開裕

辛酉拔貢 巴東教諭 有傳

道光

王敬修

歲貢 嘉魚教諭

咸豐

王金煉

丙午舉人 蒲圻教諭

當陽縣補續志

卷二

選舉文選

十六

同治

汪南金

恩貢 房縣訓導

林榮

廩貢生 京山教諭

杜映藻

廩貢生 黃梅訓導 署大治教諭

楊斂之

歲貢 石首訓導

廖培蘭

歲貢 署鄖西教諭 宜昌府學教諭

按舊志科甲則行藏並著間或載其官於某科  
名下宦蹟則文武襍錄至有官而無傳者概等  
闕如仰止高山殊覺惘然茲倣舊志武選例另

立文選一類在官者志官自詞林以訖俊秀科  
第之高下弗計也其有官而候選者不與即由  
正途而改佐貳者入襍選此選亦不與庶後起  
者有所觀感云

武科

嘉慶

嚴懿華 辛酉科

光緒

阮坤元 乙酉科  
阮乾元 己丑恩科

武選

嘉慶

嚴懿華 辛酉舉人任兩河口千總

當陽縣補續志

卷二 武科 武選

十八

雜選

明永樂

向文 貢生無錫縣丞

何銘 貢生慶府典儀

姚廷用 監生衛輝府通判

正統

劉英 貢生布政司檢校

劉佐 貢生濟南府檢校

唐禮 貢生上高縣主簿

當陽縣補續志

卷二 選舉 雜選

十九

鄭經 貢生分宜縣丞

周冕 貢生歸安縣丞

成化

馮亮 貢生甯羗州判

趙旭 貢生唐縣主簿

何源 貢生宜賓主簿

向仕廉 貢生順慶府通判

李賢 貢生崇甯主簿

尙達 貢生漂水主簿

劉宣 貢生重慶府檢校

陳禎 貢生弋陽主簿

宏治

江潮 貢生汀州照磨

賀表 貢生息縣縣丞

曹鼎 貢生桐廬縣丞

甯璽 貢生成都府經歷

正德

曹鸞 貢生太平府經歷

當陽縣補續志

卷二 選舉 雜選

二十

黃榮 貢生華亭主簿

李長春 貢生理問

萬歷

劉東魯 貢生鹽城縣丞

葛希賢 貢生浙江紹興通判

馮世濂 貢生浙江仁和縣丞

國朝

順治

范念祖 恩貢松江府同知

周敬修 貢生山東益都縣丞

張吉宿 貢生山東德平縣丞

乾隆

符國瑾 貢生安州吏目

光緒

張宗旭 辛酉拔貢四川直隸州州判

張宗海 廩生湖南巡檢

當陽縣補續志

卷二 選舉 雜選 世職 二十一

世職

關聖裔世襲五經博士

關啟端 肇岱長子同治七年承襲

人物志

宦蹟

汪南金號鍊齋邑恩貢秉性正直學養兼優同治間  
選授房縣教諭解組後主廻峯書院講席成名者衆  
族黨均賴維持子培鑑附貢培厚孫潤生俱邑庠咸  
謂其教有義方焉享年七十有三  
廖培蘭邑歲貢家赤貧辛苦備嘗同治丁卯任鄖西  
教諭癸酉任鄖陽教諭己卯任宜昌教諭解組後貧  
如故年七十餘而終

當陽縣補續志

卷二 人物

宦蹟

二十二

張宗旭號寅谷登辛酉拔萃科朝考報罷猶銳意進  
取因秋闈屢蹶遂就州判職分發四川試用州縣慕  
其賢聘掌文衡者不一而足迭主二酉鹿巖二書院  
講席尤受沈鑪青太守知文卷書札課試皆倚辦焉  
未幾沈陞授甘省安肅道邀旭往幾歷萬里旋奉川  
藩檄權汶川縣茶稅接委西充鹽亭二縣鹽務戊子  
科調辦闡差畢卒旅邸同官惜之贈甚厚時年四十  
有九

孝友

徐忠玉號藍田性肫誠謹厚寡言中年失恃事老父羹湯親調不假手於人侍疾數月不解帶弟二俱年踰六十猶和靄相接有大被同眠之風子孫數十人同炊共飯無一間言前縣令鍾以孝友克敦表其門張有美字如玉天性純篤父監生必斗早卒事母靳氏極孝母病湯藥必躬親母飯已乃飯延師教子禮遇優隆子啟春府知事銜恂恂儒雅好善樂施孫厚存廩生道存心存邑庠

當陽縣補續志

卷二 人物 孝友

二十三

杜應成性謹厚事嗣母傅氏以孝聞傅七十病盲成周旋扶持必躬親雖家貧屢空而菽水承歡歷年不倦孫鴻藻鴻儒俱列庠

郭宗德邑仲賔性純和事親甚篤諸父析居有力有不足者德延至其家養葬皆如其父弟蕃周爲擇師教之以英年補弟子員子蔭壽能承父志

杜齊崑邑介賔性端嚴舉動必遵禮法事親尤篤父與叔白頭友愛同居一堂崑溫清定省事之如一伯父兄弟六崑延師教之皆學成名立季弟映藻以廩



貢歷署黃梅廣濟教諭子熙春由附貢登孝廉方正科里黨榮之

張萬懋字敦勉性醇謹少失恃事繼母以孝聞偶觸母怒必長跪俟霽顏乃起執父母喪哀毀骨立孫鵬霄庠生

曹邦愷邑從九秉性冲和尤敦孝友髫年出嗣二房及長諸伯叔皆物故諸母動相牴牾愷委曲調劑必使各得其歡心而後止四房中絕嗣者三愷以諸孫繼之且遵先祖世煥志修宗嗣立墓碑使一族皆重

當陽縣補續志

卷二 人物 孝友

二十四

其所出推廣孝思如此及卒人皆思之

文童馮漸遠貧不廢讀事親常得其歡心父病彌留割服和藥以進尋愈兄性拘遠接以婉容和好無一間語里人皆賢之

傅天佑之子貴禮甫九歲蓮匪入境父以鄉勇殉難已祀入荊門州昭忠祠佑事孀母無違禮鄉黨以孝稱母享年八十三節登縣志忠孝節義萃於一門如此郭蔭壽字樾生邑監生少失怙事母曲盡孝道侍寢問安不離左右母目盲壽日以舌舐之數年不倦母

旨旌表

目復明鄉黨皆稱其孝縣令周詳申 上憲奉

當陽縣補續志

卷二

人物

孝友

二十五

忠義

鄉民陳之琬少有胆力忠義自負嘉慶教匪之變設卡宋家埡募有力者充鄉勇琬應募賊乘晨霧迷漫繞出卡後殲勇殆盡琬猶殺數賊而亡無子以兄子世綜嗣後議叙鄉飲仲賔嗣孫炳奎邑庠

張開序士橋人少有勇力咸豐四年夏粵匪突至其兄達序爲賊擄開不屈遂撓賊鋒死鄉黨義之  
盧秉義住漳河濱家素饒父周早卒兄粹忠厚樸誠兄英恂恂儒者惟義年最少豪健饒膽畧嘉慶之亂

當陽縣補續志

卷二 人物 忠義

二十六

教匪至腰店觀一鄉惶惑無主義奮然曰賊故農夫爲無賴子所誘耳苟合謀齊力可聚而殲也奚懼焉  
僉乃踴躍壯其議義率衆渡河一鼓而潰殺賊二千七百餘義抵家嘔血數斗卒時年二十一鄉里至今惜之

篤行

邑庠生王映蘭號香畹性端方少孤事母姜安人能  
養志咸豐十年中丞胡給額以嘉其孝越三年登孝  
廉方正科邑中有公事有司恒倚以爲重而清操凜  
然無毫髮私居鄉正己率物有訂族譜連支祠立義  
田諸善舉一鄉觀感數十年無訟事焉沒年八十有  
三子步香孫鳳鳴俱庠生

湯之科字登雲性渾厚好善樂施道光辛丑年邑荒  
歉出穀二百餘石以全活鄉人子銳材孫鵬翎均庠

當陽縣補續志

卷二

人物

篤行

二十七

生成謂厚德之報也卒年七十二

吳山高字行之爲人純樸持身尤謹嚴產不逾中貲  
而慷慨好施一族待以舉火者數十家橫暴相加悉  
含忍不與之較沒年七十孫元培邑廩生

曹雲衢號芹圃邑明經忠厚純謹兄邦佐早卒衢撫  
其兄之子若孫如己出俱教之成名家無擔石儲而  
安貧樂道怡然自足爲文一本先正從之遊者多知  
名士年逾七十而沒

曹金鑑號寶臣由廩生保舉訓導事父母以孝聞兄

弟之間藹藹如也有司欽其品望公事恒倚以爲重  
子家寶國學孫東明邑庠道南廩生

盧先訓字紹道生平好施嘗備棺木製寒衣造河船  
善舉甚衆方山麓有起鳳橋爲往來通衢遭圯捐金  
倡首行人便之舉鄉飲介賓子永珩國子監典籍  
羅聚華號協亭翰林院待詔銜性孝友事繼母陳能  
得其歡每盛怒之下華至即霽顏兩兄早世撫諸侄  
如己出治家嚴明遇事能斷尤好施與歲饑糴米鄰  
省濟貧減本售之弗恤其善行多類此卒年七十三

當陽縣補續志

卷二 人物 篤行

二十八

子忠信由歲貢登光緒元年制科忠蓋忠正俱貢生  
忠耀廩生孫希藻廩生希彥希倫良璋俱庠生  
傅朝育少失怙時蓮匪入境擄去數年始歸家貧甚  
以辛苦起家積而能散嘗捐錢五十作本每年收息  
以助里人徭役里人感戴立碑誌之後迭遇凶歲施  
穀百餘石以賑至若培荒塚修道路善舉尤多享年  
七十四孫凌雲邑廩生人品端嚴舉有八子人以爲  
積善之報

楊國學字肄山號念農人品高潔好讀書不求任進

善寫竹蘭人以酒遺之必應工吟咏詩草甚多無力付梓家極貧不妄受一錢卒年七十八

賀繩號木臣與弟緘俱邑明經性肫摯事母能孝與弟緘互相切劘和而不同平居無一慢容戲語待人推誠相與雖橫逆不與之較也耄猶好學爲文悉秉先正從遊甚衆服其教者無不以禮法自繩焉

傅天龍字秉陽由捐貢加理問銜少失怙事母以孝聞視膳間寢動遵禮制母享年八十卒後屢荐齋醮以資冥福雖年近七旬拜跪總不假之他人性樂善

當陽縣補續志

卷二 人物 篤行

二十九

貸不責償親族待以舉火者數十家若因貧廢讀必假膏火束修之資以成全之至于施棺木設義渡種種善舉尤多艱于嗣息晚年連舉三子人以爲積善之所致云

羅廷斌號緯臣邑庠生家距縣百餘里俗獷悍不事詩書斌振鐸其間從遊日衆俗遂革至今絃誦不絕卒年七十二弟廷玉邑庠生少從林竹虛太史遊深見期許性恬淡不染塵氛閉戶謝客者五十餘載精易理事多前知常總戎詣門請卜目爲水鏡卒年八

十斌子驥鳴孫忠信俱列制科孫毓衡癸酉選拔曾孫遊庠食餼者尤衆

王敬修字慎齋歲貢生善持家政家百餘口五世同堂數十年無間言署嘉魚訓導官聲遠著年八十八終長子金銛附貢次丙壽號小川丙午舉人揀選知縣心氣和平謙光可挹居家守乃父風歷任蒲圻嘉魚教諭卒年六十八孫士漑邑庠

楊經燧邑庠生廩生赤玉之子品行端楷取與嚴明中年父故母年九十餘躬親奉養未嘗一日離左右

當陽縣補續志

卷二

人物

篤行

三十

前憲任 聞其賢舉孝廉方正科辭不受後以孝義可風額其庭享年八十六無疾而終子司鐸庠生早歿

姚錦江字春浦邑明經品行端方學養深純與人接善氣充溢令人矜躁俱平至立教以根本爲先不尙浮靡故遊其門者皆成名士性尤清淡閉戶課讀非公事不輕履城市士林皆推重之壬戌歲以軍功議叙加國子監學正銜著有樹人堂文集壽八十一耆民沈正己號敬安舉止端方言動以禮里中有爭

端見之輒肅然起敬事親尤純篤父憲嘗以書緣未結誠己已識之不敢忘後憲卒以家事冗廢學而終以此爲憾嘗建塾延師朝夕飲膳必親視塾有乏修金者恒代出不冀其償生子三長玉林廩貢次少林三瑞林孫華芹曾孫鴻儀俱庠生

鄭管號東海邑庠生性端嚴浮狂者見之衣冠頓肅設教洋子山唱和皆一時名流從遊者半列膠庠著有課餘詩草待梓

馮天鑑少業儒州縣試屢列前茅學憲朱考取佾生

當陽縣補續志

卷二

人物

篤行

三十一

後棄儒業農品行端方現年八十八

范紀勲號垂可邑廩生事母以孝聞性廉介教讀外不妄受一金薰其德者多化爲善良焉

鄭思豐議叙修職郎孝友傳家好善樂施五公橋置田一頃以爲義地卒年八十八孫以芬附貢生

佟映漳號月川邑庠生性純謹舉止端方言笑不苟爲文一本先正其教授生徒以小學孝經爲宗遊其門者多知禮法卒年四十五

邑庠湯銳材之科子也正直端方訓子姪有法非公



不入城市前令任公道鎔以公正額榮之卒年七十  
有一  
熊叶兆號礪卿邑恩貢性廉靜敦品勵學不染塵氛  
教讀外無他圖焉卒年五十四

監生金相鈍字煥然性孝友其父八十餘躬親扶持  
毫不諉諸僮僕弟相鑑齒繁受累鈍以己所餘者與  
之親戚借貸概不責償鄉里德之子二教督甚嚴長  
嘉會試用縣丞次玉麟廩貢就職訓導

儒士曹魁邦字占元敦孝友性復寬厚强悍者不與

當陽縣補續志

卷二 人物 篤行

三十二

之較族黨悉賴維持年五十七卒子家岸恪守家風  
孫樹聲庠生公正廉潔邑中公事多倚重焉

馮步瀛號淡齋邑增生敦孝友家貧而介取與不苟  
宗族悉賴維持邑中要公尤倚重之屢考優等未獲  
食餼士林惜之享年七十有三

林時豐漳河農人性和而介不屑較錙銖與人無忤  
義不可者輒形諸辭色家中落習種牛痘不索謝沙  
商爲避亂計向豐購產易邀重貲豐弗較按常價售  
之子孫純謹世守其家風

邑庠朱子醇號訥臣天性孝友父病痢雖極隘必躬親之歷久不懈父沒哀毀骨立盡哀盡禮母馬氏無疾而終常以未侍湯藥爲恨侄若孫教訓若己出無分畛域享年七十有八子茂南邑廩生曹邦援號達菴邑監生少小失怙事母孝事必稟命佃戶有欠租母戒以毋索置弗問有兄二次兄性拗援委曲求全終身無間言性尤直遇事能斷族黨有事輒以一言決之罔弗聽其敬服如此長子華國貢生次子家珍監生

朱永延行三性渾厚多義行其父士元家中落有子五人惟長子定親延以傭工積資先爲諸昆季娶訖並贖田分給家人賴以裕後乃自娶得一子名昌明沒年七十六仲賓舒玉書字金簡邑庠開華子也華性剛毅善守貧書委曲承顏能得其歡心持己儉待人忠尤篤於倫義中年妻故誓不續仰事俯蓄維艱子樹德有乃父風現年八十五

文苑

劉德華拔貢生饒才學工心計萬城堤係荊州城保障華家於其旁荆邑官民恒倚賴之子有蔚丁卯科舉人文名嘖甚中年殂謝士林惜之孫滙成庠生賀緘號默亭性穎異未弱冠補諸生科歲試輒列優等文筆傲岸詩古尤不落恒蹊邑中知名士多從之遊屢薦不售以明經老士林惜之

羅忠厚號崇菴邑廩生性孝友事繼母能得其歡課子弟甚勤成名者十有三人歲科試屢冠軍張孝達

當陽縣補續志

卷二

人物

文苑

三十四

學憲尤竒其才賞賚甚厚著有訓蒙草爭傳誦之嚴正憲字乃慎邑廩生能文章負性孝友親疾子弟雖多必親侍湯藥善教誘受業者多知名土子大箴孫有煦俱明經弟正叙侄大訓俱庠生

恩貢林栖鶴號立亭候選直隸州州判性質樸克敦孝友父嚴毅能曲得其歡兄早世撫侄如己出其文清真雅正一以簡鍊爲宗士無遠近咸則之著有萃生堂文集行世卒年七十有六

朱守閩號小松邑廩生性清潔工吟咏不求進取所

交皆一時名士著有帶雨山房詩集待梓年三十餘而卒士林惜之

高士純號實甫邑恩貢性揮霍能文章主廻峯書院講席十餘年成名者衆享年七十有八弟士楷歲貢子志伊志偉俱邑庠

恩貢吳沛榮家貧力學長於教授從遊甚衆入泮食餼者不下數十人鄉闈屢膺房薦未獲一第暮年壯志猶存卒年八十有五子丙堃邑庠生

恩貢江榮枏號實卿温文爾雅從無急言遽色與其

當陽縣補續志

卷二

人物

文苑

三十五

兄蔚枏均以書法鳴兄早逝榮枏卒年七十有二朱守濂號小溪邑廩生詩古文藝屢見賞於宗工而戰鎖闈輒北授徒精講貫詩古悉綜漢魏文以先正爲歸故門下多知名士卒年四十四士林惜之

壽考

徐鼎鬢居心忠厚持身儉樸事親竭力盡志雖菽水亦能承歡積數十年如一日子三俱能以孝友世其家孫向陽邑庠生卒年八十四

楊士祥性沉靜少事詩書有志未逮遂以處士終接物平恕有犯者處之坦然現年九十二

胡珍 文定公之後裔居心忠厚治家儉樸子孫衆多教之皆有義方卒年九十孫映南庠生

張道進性端方勤於農事子孫蕃衍卒年百有一歲

當陽縣補續志

卷二 人物 壽考

三十六

其兄道成卒年九十有四其弟道志現年九十一門壽考稱人瑞焉孫鳳寅廩生文煥庠生志孫啟漢庠生李以俊字輔軒邑仲賓業儒少失怙恃昆季五最友愛至老雍睦無間言居平不妄論人得失里黨有爭訟折以片言莫不悅服年八十猶能挑燈作蠅頭楷書且精堪輿卒年八十九孫芳邑庠

彭可行號敦善昆季六人終身無間言而公尤善氣迎人恂恂有長者風卒年八十二其長兄可道號環溪爲邑諸生卒年八十六餘皆八十七十餘而終一

門壽考誠邑中所罕有也姪文燦孫德元均列庠生  
貢生舒樹德字滋圃鄉賓金簡之子也性樸誠雖起  
家貨殖而悃悞無市廛氣幼失恃事父以孝聞親黨  
有貧者咸周恤之子孫繁昌五世同堂卒年八十五  
周維棟字良材性廉正嘉慶年教匪入境鄉勇隨官  
軍勦賊棟與有力焉卒年八十八子汝淮廉正有乃  
父風一介不取積學三十年未遇棄儒業農怡然自  
足卒年九十二孫純士現年七十有二

張啟暄字旭亨積學三十餘未遇乃開館授徒出其  
當陽縣補續志  
卷二 人物 壽考  
三十七

門者入庠食餼亦間有人生平多善舉重然諾元配  
徐氏勤儉溫良以爲內助教子孫以耕讀世其家現  
年九十夫婦均康強見元孫焉

楊達寬號小泉幼見知於王讓生邑侯屢拔前茅不  
售授徒悉本先正出其門者多知名士晚年愛詩酒  
不履城市者三十年卒年八十有九邑庠楊炳奎其  
猶子也學其學早售現年六十四

千總銜杜德芳性誠篤好施與親族有困乏者周恤  
之從無吝容無德色現年八十有八

羅傳惠邑人性渾樸善課農桑克勤儉足不履城市者數十年時年八十八子家暄有乃父風多義行現年六十有三

當陽縣補續志

卷二

人物

壽考

三十八

流寓

明

黃輝字平倩四川南充人萬歷十七年進士官編修  
中年妻故不復娶尋以少詹事乞歸遨遊山水寓邑  
之玉泉柴紫菴與袁中郎昆季結詩酒社題詠甚富

國朝

袁瓚號廉叔江蘇奉賢人登辛酉拔萃科朝考畢學  
憲清聘掌文衡來楚旋經粵匪亂留鵠垣邑侯任道  
鎔聘作教讀至當接經邑侯阮恩光聘主廻峯書院

當陽縣補續志

卷二 人物 流寓

三十九

講席凡志書文衡尺牘諸筆墨事均任之取士重純  
樸論文悉本先正及門有以時藝請者屏棄之弗令  
讀也故從遊多知名士暇日課雜著把酒談詩登高  
作賦雖時興故國之思渾如也善書法尤工八分待  
人如行雲流水活潑潑地其詩賦書之風流怡蕩咸  
如之梓白燕巢賦草行世寓當甫五年藩司何璟其  
受知師也敦逼到省歸候補縣入巡撫曾公幕教讀  
主奏草名益嘖甚丙子攝篆黃梅有慈惠聲年餘補  
授來鳳蒞任方二載卒於官子萊奉殯歸故里



釋

明常鎮字玉菴風儀挺秀士人咸推重之隸邑之玉泉寺三十五年名播朝野世以鐘山目之每講涅槃等經聽從者衆萬歷九年逝

慧林號祇園邑人依玉菴出家凡爲虛己從人人恒從之主玉泉法席時重刻隋唐宋元常任田界於石晚年無疾而逝

了凡本邑靳氏子總角時依報恩寺廣通祝髮研精內典策杖南遊遇僧無跡與語言下見諦得續北宗

當陽縣補續志

卷二

人物

釋

四十

正派著有楞嚴講錄傳世

清祖裕號鼻源白衣庄人十歲出家玉泉師事僧惟心開東禪堂爲十方叢林以接衆道行孤高不與人爭卒年五十七

能安王泉僧也性古樸從不受人知亦不屑有號中年受具朝山歸司大佛殿香燈及鐘鼓十餘年所稍有蓄積即以之助修佛殿六十餘一日如廁後淨手口念阿彌陀立而逝